



QUÆSTIO MEDICA,

QUODLIBETARIIS DISPUTATIONIBUS
manè discutienda in Scholis Medicorum, die Veneris decimâ-quintâ
Junii, 1703.



M. NICOLAO RAINSSANT Senatûs
Parisiensis Medico ordinario, Doctore
Medico Præside.

An Partus humanus ut plurimum laboriosus?

I.

VIXDUM concipitur homo, & laborat, sive id mali pendeat ex principiorum Aristoteleorum, aut chymicorum, sive ex Hippocrateorum, & Galenicorum humorum sensibus magis obviorem intestino dissidio, & mutuo reciproco ve conflictu: quemadmodum ex horum omnium probè attemperatâ miscellâ, justâ harmoniâ, & symmetro concentu exoritur actionum integritas dicta sanitas bonorum caterorum condimentum, quo mortalium generi à Deo præpotenti concessum nec melius, nec præstabilius, & quo nullo alio propius ad ipsum accedit Medicus, quàm hoc homini comparando, fovendo, servando, læso refarciendo, & amisso restituendo. Cui è Diametro opponitur causaria habitudo è vel minimo machinæ humanæ vitio atque defectu æstimanda, non secus ac ab exiguâ flammulæ scintillâ maximum accrescit incendium, & ex levissimi erroris principio summum erratum in fine demùm evadit. Hinc temporum tractu atque decursu innumera miseris mortalibus incubuit laborum, & calamitatum cohors, & Ilias, ut ab unoquoque fingi, excogitari, imò & persentisci facilis, sic & recenseri inutilis. Adeo plus satis est ipsâ statim consistari fœtum materni uteri ergastulis inclusum, inter urinas & stercorea situm, *ἐνδύεται*, & *ἐν σπέρματι* tunc apprimè dictum utpote instar plantæ unâ matris precariâ vitâ potitum, quam postea brevem & ærumnosam in lucem editum animal tandem cæteris imperaturum à lacrymis, & vagitibus auspicatur, ut propterea patientissimi Job, & summi Dictatoris & Medicinæ parentis Hippocratis, aliorumque cordatorum sapientum meritò querelas evocarit.

II.

UTERUS Pars dissimilis, & organica, constans venis, arteriis, nervis, ligamentis, villis, membranis, partium abdomine contentarum situ, & loco infima, ob id *ὀστέα* vocatur: hujus substantia quamvis in vacuâ muliere alba & membranea videatur, in fœtâ tamen plurimùm discrepat, eique

similis in toto corpore non reperitur, est enim fungosa, & spongiæ, vel pumici consimilis, & foraminulenta, non tamen simplex, sed in multos cortices instar boletorum arboribus adnascens facillè dividua. In prægnatione pro vectâ duorum planè digitorum crassitudinem æquat, maximè circa elatiorem fundi partem, in quam uterina vasa cœunt, uterinumve jecur seu placenta secundis coheret. De uteri cotyledonibus sive acetabulis ambigitur à Galeno, & à neotericis anatomicis: præsertim verò à prioris hujus ætatis & sæculi oculatissimo, diuque versatissimo hysterotomotoco Arantio, cui hæc vasa cotylæ figuram accuratè referentia antiquorum descriptioni planè conformia in ovillo tantum & Caprillo genere vel suâ lynceâ perspicaciâ detegere licuit, ni foramina ab oculis vasorum non longè semota acetabulorum, aut cotyledonum nomine utcumque insignire libeat. Uterus porro quamdiu benè se habet, nobilissima ac propemodum divina favissa audit, ex quâ naturæ nostræ thesauri conditi eruantur, & ubi fuerit opus, depromuntur, & quæ jure optimo merita sit alterum animal appellari. Quam malè sibi constat, quàm potiori jure dicatur ferinum animal in animali malè mulctans mulierem. Ea propter sentina muliebris dicta, quod cæterarum partium illuviem excipiat, & inde perperam commotæ camarinæ fœtura omnis, & origo tragica in utero, & ab utero.

I I I.

VULUÆ propria & peculiaris actio Conceptio ex amborum seminum exquisitâ permixtione fit, unde exurgit primum naturæ generantis opus fœtus, cui continendo, & fovendo adeo acriter hoc vas incumbit, ut ejus culum firmissimè constrictum & clausum ne acūs quidem aut specilli cuspidem admittat. Fit tamen superfœtatio, seu nova conceptio à secundo & repetito jam gravidæ mulieris cum viro congressu, quæ quidem brutis animalibus incommoda, non item fœminis. Apagæ, qui in hoc generationis opere fœminam agens inæquale, & mare superat & infirmius rati solum conceptaculum, ova sola, & menstruum unam materiem imbellem, nec feracem, & prolificam suppeditare asserunt, quive his contumeliosis appellationibus & barbaris ansam dedere animalis occasionati, mutili, interceptæ, & affectæ, vulgò inchoatæ perfectionis. Indignus, qui naturæ errorem, & prævaricationem, insuper portentum & monstrum indignant. Absit ut tam pulchro, torque veneribus, Gratiis, & leporibus, exornato sexui tantam injuriæ vim inferat hoc nostrum Lemma. Dat itaque & locum, & materiam, & præterea efficientissimum principium genitivum, & hominis fabricam simul adornat ut architecta necessaria, ferè ad æquata viro, nec merè hujus accessoria, ut liquet ex frequentiori natorum cum matribus similitudine. Usque adeo verum est jure dictatorio pronunciare, ac decernere. In humano opificio vir & fœmina mutuum eamque actuosissimam sic sibi tradunt operam, ut alter alterius paris concausæ poscat opem principem. & in hoc opus geminum æqualem ambo symbolum ultro persolventes amasie conferant, masculinum nempe, & fœmineum semen impartiendo. Si vero invitâ naturâ diversæ speciei animalia simul cœant inde orientur Fauni, Satyri, quos vano errore delusa gentilitas pro Diis coluit, & cætera monstra, ostentave aut in naturæ stuporem, ignominiam, & turpitudinem; aut in ejusdem aberrantis in sexu ludibrium genita, (hinc hermaphroditis & androgyni) vera nonnulla, pleraque certe Mythologorum seu fabulorum fictitia commenta: Et, si fortè vera, à naturâ istorum parum sollicitâ, invidè indignatâ, & ipsiis ratâ ut partus illegitimi neglecti deferuntur.

GRANDIOR fœtus, & suis omnibus organis abundè instructus, & ab-
solutus, & lucis usuræ aptus, & maturus, copiosioris alimonix, nec non
amplioris liberiorisq; aëris indigus, vitæque propriæ, & sui juris cupidus exi-
turit, cujus intenti compos ut evadat, tum se accingit ad motum, & calcitra-
tu valido idemtidemque repetito sui involucri membranas disrumpens matrem
adoritur, & sæpe torpidam, sui que officii oblitam admonet, ut viam sibi paret,
& suo pari conatu connisu ve partum procuret, tuncque ingeminatâ communi
utriusque sui ipsius & fœtæ oneris sarcinâ nimio plus gravis ac distentæ con-
tentione quâ datâ portâ ruens foras crumpit puellulus, & alterum aërem avens,
& quæritans haurit, & exprimit, tum verè & genuinè respiraturus, & nutrien-
dus. Si ex naturæ lege & instituto in caput sese objiciat, tunc partus natura-
lis fit, perfecti nimirum, & in utero prorsus absoluti fœtûs exclusio, quo-
cumque die, mense, & horâ accidat. Ad hanc editionem non sola desidera-
tur partium structura & coagmentatio, (alioqui quaternario mense contingens
exitus partus audiret, quod absurdum.) verum & earum robur & firmitas in
crassitie, & corpulentâ posita, quam non ante septimum mensem consequitur
Pulsio, proindeque Exterricinei seu ab exterritæ matris aluo Embiyyi proteni-
poriûs ejectio non partus, sed est abortus, aut effluxus. Prior quidem si in-
tempestivè foras crumpat, aut in utero extinguatur; posterior, si ante texturæ
conformationem genitura excernatur. Partus alius legitimus; illegitimus aliûs,
legitimus statò tempore evenit, ferè semper nono mense, interdum, sed rarè
septimo. Illegitimus verò huic tempori præviis est, aut hujus succedaneus.
Octimestris ut plurimum illegitimus habetur, quia vel septimestrem retardat,
vel nonimestrem antevertit. Mensis apud Astronomos triplex. Solaris unus;
alius lunaris; alius communis vulgò Kalendarii Juliani. Solaris mensis is est,
quo sol triginta zodiaci gradus percurrit, constatque semper triginta diebus.
Lunaris mensis duplex. Progressionis unus; apparitionis alter. Progressionis
est spatium illud, quod ab uno lunæ cum sole coitu usque ad alterum interce-
dit, estque viginti novem dierum cum dimidio, & quadraginta quatuor minu-
tis, synodicusque vocatur. Mensis apparitionis conficit, & complet viginti
septem dies, demptis tribus, quibus luna lumen suum addit, & utcumque fi-
let, unde hoc spatium lunæ silentium dici amat. Mensis communis seu vul-
garis Kalendarii Juliani dispar numerus plus satis notis, non ita mensis Hip-
pocraticus, qui subdubius; & subobscurus. Alii hunc lunarem asserunt; sola-
rem alii, quibus postremis libentiùs assentimur. Namque septimus mensis ge-
minus alter inceptus centum octoginta dierum cum diei particulâ; alter com-
pletus ducentorum & decem dierum, qui calculus cum Hippocratis logismo,
idest censu, & sensu magis convenit.

V.

PARTURIGINIS porro naturalis dicta fuit potissima conditio, ut fœtus
caput offerat, unde, sæpiùs usuvenit facilis, velox, & nullâ Symptomatum
acerbitate stipata exclusio, modò non sit macrocephalicus infans, tunc enim
cerebri, totiusque capitis amplior moles non leviter exitui officit. Quantò
magis si Exlex in duplum, in latus, in ventrem, aut pedes obversetur? Hinc
nonnaturalis & æger partus Agrippæ dictus evadit, plerumque mali ominis,
mortisque prænuntius, & prodromus, consuetudine vulgari receptâ ut mortui
terræ mandandi pedibus primis & anterioribus è domo efferantur contrario

4

planè & opposito nascendi modo. Cui obices; & repagula adhuc majora & ulteriora afferunt osculi interioris, & cervicis uteri sive naturalis, sive contra naturam angustia, distortio, inflammatio, distendens tumor, caruncula, cicatrix à phimi, epiphimi, vel paraphimi curâ oborta, vitiata ossium pubis conformatio Coccygis, & sacri ossium nimia & interior depressio, quæ quidem omnia moras adeo necunt obstetrici, & Chirurgo obstetricio, ut spectatores otiosi & inertes ineptive *ἐπὶ δόκτωι* spe omni futuræ parturiginis irritâ parturientis efflari, & avolare animam cogantur aspicere, ut postea cæso quamprimùm mortuæ matris utero prodeat misellulus pusio sacro confestim Baptismi lavacro imbuendus, quo carere si periclitetur, quidni in parente vegetâ, firmâ, necnon constantis ætatis, & roboris cæteroquin omni aliâ præsidii spe destitutâ tentanda Cæsarea sectio à perito & intrepido Chirurgo præsentē Medico, qualis semel, & iterum fuit peracta in Collardâ muliere Castrithiericâ etsi bissectâ attamen adhuc vivâ & incolumi superstitē, & pluribus aliis passim à Doctissimo Rossēto recensitis? Quæ quidem molesta, & ærumnosa, horridave parturiendi via hoc insignē votum Medæ in animum induxit, se malle ter acie instructâ sub clypeo dimicare, quàm semel parere. His cunctis calamitosiis infortuniis si *ἐνὶ στήθεσσι* & cumulus accedat lapidescendi fœtus rara licet facilitas, & infelicitas, quæ mulieri cuidam Senonensi nomine Columbæ Chatri Ludovici Carita vestium sartoris uxori aliquando contigit, quid certo certius hoc lemmate?

Ergo Partus humanus ut plurimùm laboriosus.

Domini Doctores disputaturi.

M. Nicolaus B. de la Carliere, Medicus Regis ordinarius.

M. Michaël Pichonnat.

M. Joannes Daval.

M. Joannes Baptista Doye.

M. Franciscus Picoté de Bellestre.

M. Petrus Perrenn.

M. Urbanus Leaulié.

M. Nicolaus Bailly Professor Schola.

M. Bertinus Dieuxivoye Antiquior Schola Magister.

Proponebat Parisiis LUDOVICUS GUILLOT, Magniacæus,
Baccalaureus Medicus. A. R. S. H. 1703.

Apud Viduam Francisci Muguet, Regis & Facultatis Medicinæ Typographi,